



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Agenda Dioecesis Paderbornensis Rituali Romano
accommodata**

Hermann Werner <Paderborn, Bischof>

Paderbornæ, 1753

De exequiis in genete.

urn:nbn:de:hbz:466:1-36023

De Exequiis.

Exteras preces pro sua devotione, maxime vero iaculatorias usurpet,
Egressa anima de corpore, orabit statim cum astantibus sequentia.

Subvenite sancti Dei, occurrite angeli Domini, suscipientes animam ejus, offerentes eam in conspectu Altissimi. Suscipiat te Christus, qui vocavit te, in sinum Abrahæ, & Angeli deducant te, suscipientes animam ejus, offerentes eam in conspectu Altissimi.

R. Requiem æternam dona ei Domine. **R.** Et lux perpetua luceat ei.

Kyrie eleison &c. Pater noster &c. **R.** Et ne nos inducas in temptationem. **R.** Sed libera nos a malo. **R.** Requiem æternam dona ei Domine, **R.** Et lux perpetua luceat ei. **R.** A porta inferi. **R.** Erue Domine animam ejus. **R.** Dominus vobiscum, **R.** Et cum Spiritu tuo.

Oremus.

Tibi Domine commendamus animam famuli tui **N**, ut defunctus saeculo tibi vivat, & quæ per fragilitatem humanæ conversationis peccata commisit, tu venia misericordissimæ pietatis absterge, Per Christum Dominum nostrum. **R.** Amen.

Ubi moris est, datur signum cum campana, ut audientes pro defuncto orent. Corpus honeste compositum loco decenti cum lumine collocetur, & crux parva in manibus defuncti supra pectus. Aut cruce deficiente manus per modum crucis componantur. Aspergatur saepius aqua benedicta, & donec efferatur, praesentes pro defuncto orabunt,

De Exequiis in genere.

SAcras Cæremonias, quibus ex antiquissima traditione sancta Mater Ecclesia catholica in filiorum suorum exequiis uti solet, tanquam vera religionis mysteria, & fidelium mortuorum saluberrima suffragia Parochi summo studio servare debent, & non ad quæstum, sed ad ædificationem vivorum & salutem defunctorum adhibebunt.

Nullum corpus sepeliatur, præterim si mors repentina fuerit, nisi post debitum temporis intervallum, ut nullus omnino de morte relinquatur dubitandi locus.

Quod antiquissimi instituti est, ut missa, præsente corpore defuncti pro eo celebretur, antequam sepulturæ tradatur, retineatur. Ideoq; die festo missa pro defuncto sepeliendo celebrari poterit, dummodo missa parochialis, vel conventionalis haberi possit.

Pallia altaris, aut alia ejus ornamenta, ad ornatum feretti adhiberi non debent, sed cerei accensi ex antiquissimo ritu deferantur, neq; pro iis quid avare aut indigne extorqueatur, sed consuetudinis jure standum erit. Pauperes verò gratis omnino sepeliantur, lumina & cætera requisita ad sepulturam confraternitatum, vel aliorum ditiorum cura subministrabit,

Quantum fieri poterit, sepulchra Sacerdotum & Clericotum cujuscunq; ordinis à sepulchrals laicorum separata sint, & decentiora; atq; ita, ubi commodum fuerit, ut alia pro Sacerdotibus, alia pro inferioris ordinis Ecclesiæ ministris parata sint.

Sacerdos super quotidianas vestes, vestiatur amictu, Alba, Cingulo, Manipulo, Stola, Casula, & bireto. Diaconus amictu, Alba, Cingulo, Manipulo super humerum sinistrum, quæ sub axilla dextra annexatur, & Dalmaticâ violaceâ. Subdiaconus amictu, Alba, Cingulo, Manipulo, Tunicella. Cæteri Clerici, talari & superpelliceo, singuli cum tonsura & biretis suis.

Nullum cadaver perpetuæ sepulturæ traditum sine licentia Ordinarii efferri debet ad alium locum. Nec Clerici deferant cadaver laici, quo libet generis aut dignitatis titulo prædictus ille fuerit.

Corpora defunctorum in Ecclesia ponenda sunt pedibus versus altare majus, in Capellis & oratoriis pedibus versus illorum altaria, in cæmeteriis pedibus versus orientem versus. Presbyteri verò habeant caput versus orientem, aut versus altare.

Cæterum nemo Christianus in communione fidelium defunctus extra Ecclesiam aut cæmeterium sepeliantur, quod si ex necessitate aliter factum fuerit, curetur, ut corpus quam pri-

primum poterit, in locum sacrum transferatur, & interim semper Crux capiti ejus apponatur.
Arcendi autem sunt ab Ecclesiastica Sepulturâ,

Primo. Pagani, Judæi, omnes infideles, hæretici, & eorum fautores, Apostatae à Christianâ fide, schismatici, publicè excommunicati majori excommunicatione, non minatim interdicti, & ii, qui sunt in loco interdicto, eo durante.

Secundo. Se ipsos occidentes, nisi id ex insanâ accidat, & ante mortem dederint signa pœnitentia.

Tertio. Morientes in duello, etiamsi ante mortem dederint signa pœnitentia. Item Manifesti & publici peccatores, qui sine pœnitentia perierunt. Infantes etiam mortui sine baptismo.

Quarto. Omnes ii, de quibus constat publicè, quod semel in anno non suscepserint sacramenta Confessionis & Communionis in Pascha, & absq; ullo signo contritionis obierint.

Ubi verò de his dubium occurrit, ordinarius consulatur.

De Exequiis adulorum

Cum defectu cantorum, aliorūmq; ministrorum Romani ritualis cæmeroniæ aliorūmq; locorum usurpari nequeant, & agenda die cesana huc usq; desuper nihil ordinari, hinc factum est, ut quis Parochorum pro suo sibi affectu certum mortuos sepeliendi ritum prescriplet, adeoq; tot sint ferè cæmeroniæ, quot Pastores & Parochiae; hinc attēndentes universorum utilitati, ut qui in unâ fidei professione convenimus, etiam in ritu sepelendorum fidelium non discrepemus, placuit facilem aliquem modum præscribere, quem omnes observare poterunt, & teneantur; exceptis iis, quibus placuerit se Romano rituali accommodare.

Adulti igitur mane horâ constitutâ à Parocho sepeliatur, & convocetur clerus aliúsq; populus signo campanæ, qui in Ecclesia vel ædibus defuncti juxta consuetudinem loci convenient, & cum Parocho induito superpelliceo & stola nigra, præcedente cruce & aqua benedicta, ordine ad domum defuncti procedant, cerei accenduntur & Parochus ad primum introitum aspergit eam aqua benedicta dicens.

Rore cœlesti reficiat animam tuam Deus in nomine Patris & Filii & Spiritus sancti.

R. Amen.

Deinde subjungit Psalmum vel 50. Misericordia &c. vel 129 de profundis.

Miserere mei Deus: Secundum magnam misericordiam tuam.

Et secundum multitudinem miserationum tuarum: dele iniuriam meam.

Amplius lava me ab iniustitate mea: & à peccato meo munda me.

Quoniam iniustitatem meam ego cognosco: & peccatum meum contra me est semper.

Tibi soli peccavi, & malum coram te feci: ut justificeris in sermonibus tuis, & vincas cum judicaris.

Ecce enim in iniustitatibus conceptus sum: & in peccatis concepit me mater mea.

Ecce enim veritatem dilexisti: incerta & occulta sapientiae tuæ manifestasti mihi.

Asperges me domine hyssopo, & mundabor: lavabis me & supernivem dealbabor.

Auditui meo dabis gaudium & lætitiam: & exultabunt ossa humiliata.

Averte faciem tuam à peccatis meis: & omnes iniustitates meas dele.

Cor mundum crea in me Deus: Et spiritum rectum innova in visceribus meis.

N.